

而革其耳目內定民志外即聯邦交人情黨同而伐異前此之不欲中國人公會者以正朔服色之不齊也於是馳一紙書告各國曰自今已往改朔易服願入萬國公會事遵公法唯謹然後各國之要求我而無厭者可據公法以拒之我之要求各國而不允者可據公法以爭之向之受欺於各國損我利權者並可據公法以易之一切制度悉從西則舉行新法如反掌不至此窒而彼闕此所謂禹入裸國亦隨之而裸也或曰改法之說既聞命矣中國守素王改制之教二千餘年從之則與背之則亡百世常新毫無缺陷今欲以異方不可知之救世教辱我衣冠之族此言若行君其為萬世名教之罪人矣易籙曰子言合經我言行權專勢至無可如何之會聖人復生亦不能不濟之以權所謂通教者亦非廢我教而行彼教也特以中國之人名為奉孔子之教實未盡孔子之道教中之士帖括而已楷法而已上之亦不過經學辭章而已素王有靈九泉墮淚矣彼國之奉救世教者雖未能盡體耶穌之道而遇事有以自主隨時有以自與皆為歐美之望國豈真聖教之不若西教哉奉教者有善有不善耳自海禁大開各省教案鱗沓辦理不善動成邊禍目前德國之衅亦由殺教士釀成之也今不如奏請明降 諭旨國中自官紳以及士民願入救世教者聽毀教堂戕殺教士者為叛民殺無赦立見入教者紛紛我儒教之有真實學問者從暗中推廣其善意改革其差謬彌補其缺憾其善意則欲斯世共登於仁壽斯民大發其慈悲推擴之而兩相忘矣其間有差謬改革之而兩相成矣其間有缺憾彌補之而兩相化矣論語云有教無類即是意爾中庸云聲名洋溢乎中國施及蠻貊且極之凡有血氣者莫不尊親二十年之後聖教將通行乎五大洲也是聖教之規模雖曰稍改聖教之實際實賴以大振否則視眈眈而欲逐逐思絕我聖教者環而起我將有所不忍言或曰通教之說奇尚不詭於正若夫君臣定位天尊而地卑自秦以降君權日尊民權日替黔黎蠢蠢久相安於無事之天今反其道竊恐叛上弑君之禍隨起矣易籙曰子知其一未知其二夫刑賞操生殺天下之大權當公之天下未可柄之一人自講求新理精益求精華盛頓之義舉遂為千古不刊之事美利堅至今百餘年乃蒸蒸日上我 朝大一統之規模君權之尊固未可與民主之邦並論然威權行於域中而不能行於域外推求其故則以上權過重民氣不伸民氣不伸國勢亦因之而弱西人之言曰中國之民雖強我不畏也蓋民無不畏官者官畏 京師 京師畏我斯何言歟敢出諸口聞之者髮指知之者心傷然則中國欲復三代盛時之治自宜做英德奧意君民共主之法利之所在聽民自與之害之所在聽民自去之民欲設學會聽之民欲立報館聽之民欲集股開礦開河修埠頭修鐵路亦聽之民曰某官善權之上位民曰某官不善置之開

散民曰與某國約章宜更定聽舉國之民集一巨會以全力爭之然必每省設一民權司以通上下之情民之所陳直達於 朝廷朝廷曰可即下令於民不至如前此之必由縣令以達督撫由督撫以達 朝廷其中隔閣十數層以至民隱不上聞上恩不下逮如是而中國所宜自有之權利民必竭力以經之營之保衛之朝廷坐享其成而已且遇他國有要求 朝廷之處 朝廷亦可委之於民權由是而舊黨漸解散新法漸推行元老院不難設矣日本之驟興可立證或曰是殆所謂屈一時之尊以長保子子孫孫萬世之尊者與惟是千萬年皇王之舊國四百兆軒輊之貴種而欲非我族類互通婚姻將清白之苗裔潛移羶腥之種類日盛無乃大不可易籙曰是說也腐儒之所識俗士之所嗤海內識時君子之所未道無怪子之言然也夫魯賜少女於盤飴異類尚可通婚漢嫁公主於匈奴遠方亦曾結好况文明教化百倍於盤飴十倍於匈奴哉南洋之倭奴非美洲之紅黑番其種甚賤淪為奴隸固無論矣曰波斯曰印度曰埃及悉亞當之裔族與中國等國不可謂不舊種不可謂不貴而受役無異黑奴者誠可為之寒心也是國無論舊新強則舊而新種無論貴賤強則賤而貴吾恐今之自詡為貴種者異日且求為賤種而不可得留種之計莫如以諸王郡主宗室主下嫁於俄德法列邦之世子王公台吉貝勒貝子復廣娶列國之公主郡主並下一令曰自官紳下逮庶民願嫁女於泰西各國者聽願娶婦於泰西各國者聽國家聯姻尤貴擇西人之有智力者既聯翁婿甥舅之親即可從其中選用客卿自當竭力為我用此所謂以愛力綿國運以化合延貴種也且同類相合其生不繁同姓為婚古垂厲禁西人亦謂以血脈相通之人配合夫婦生子多患癩癩中國禁中表為婚亦是此意如以黃白種人互為雌雄則生子必碩大而強健文秀而聰穎亦未始非人才之一助也凡此四者自其外而觀之皆示弱也四者能行吾知各國必稍濟其按圖剖分之念然後肅吏治修海軍究新學整商政舉行一切鐵軌輪船礦務電線將見富強馳騁於五洲會盟冠冕夫萬國而俄皇伸足亞東之夢英國混一陸地之心俱成畫餅不其快與否則誠有如新會梁氏之所云處今之世變亦變不變亦變者至不變而亦變則所謂古法所謂聖教所謂主尊所謂貴種者蒙亦不忍言其究竟矣

據稟已悉該縣并塘等處地方會匪潛滋滋事現經督飭首徐茂槐等起出緝布亟應迅速懲辦勢難久稽惟必須研審明確毫無疑義方足以彰 國法而定人心據稟徐茂槐總糾入會復充會內糧台等情查閱該犯

供詞並無充當銀台之語張凌瀛供稱潘有亮為銀台稟摺各不相符殊欠切實仰永州府趙日委員並移撥防勇將該犯徐茂槐提解到府悉心研訊如果確係匪黨渠魁即行就地正法仍傳首犯事地方懸竿示眾以昭炯戒張凌瀛一犯准如所稟暫行監禁一面會同防綠各營嚴緝逸匪吳大棟等務獲稟辦並候咨請廣西撫部院轉飭恭城等縣一體協擊仍候 督部堂批示繳供摺摺均存

甯遠縣稟擊獲匪黃瑞瑞歐陽發茂並起獲布馬刀等物訊供明確先將該二犯就地懲辦情形開具供摺照稟布呈核由據稟及另單均悉該縣擊獲匪黃瑞瑞前據衡永道稟報當經批示並札飭統帶親軍副前等營張提督慶雲派撥弁勇會同各地方官查緝去後茲據具稟前來查閱呈報呈報語言悖謬並起獲馬刀旗脚等件逆蹟昭著該令於訊明後即將黃瑞瑞並續獲匪首歐陽發茂二犯立即處決以彰法紀而遏亂萌辦理尚合機宜廣西地方自上年灌陽土匪滋事之後伏莽到處潛滋日昨又據靖州稟報有馬平縣三都司眷屬被匪戕害之語永靖二府州所屬與粵省在在毗連亟應嚴密稽查認真搜捕勿令匪黨闖入勾結貽害地方仰即會同防綠各營嚴緝逸匪吳大棟等務獲一面提取劉新發訊取確供議擬稟辦仍候 督部堂批示繳供摺摺均存

黃公度廉訪批牘 詳湘潭縣迷竊匪犯劉豫林請正法一案

為詳請示遵事案奉 憲札開據湘潭縣陳令委員劉仲會稟復訊積匪羅少卿用藥迷竊得贓各案懲辦情形緣由到院據此除批據稟已悉仰即迅速查明不係停刑日期監提匪犯羅少卿張交朋二名照章正法梟示具報劉豫林一犯姑准如稟暫行牢固監禁一面懸賞購線嚴緝逸匪賀林山務在必獲俟到案時一併審明稟辦毋得圖以一稟了事時過輒忘致蹈玩吏積習並移委員知照仍候 督部堂批示繳供摺摺存印回外行司轉飭遵照辦理等因奉此本署司查湘省近來迷竊之風甚熾以東路為最各州縣因其係屬竊案或規避處分隱匿不報或報而不實力查擊行旅受害殊非淺鮮此案非奉 憲台屢次諄飭水陸各營實力嚴緝無由破獲既經究出真情尚何所用其姑息劉豫林一犯隨同張交朋等迷竊二次復買藥二百根照例本應斬決該縣意存姑息稟請監禁十年殊涉輕縱奉 憲台嚴切批司委員覆審明確一併就地懲辦該縣委復以渠魁賀子未獲擬將該犯監禁候質殊不知劉豫林本係游勇隨同羅少卿等用藥迷竊二次情真罪當已與立決之例相符且購買迷藥二百根希圖行使情節甚屬可惡似未便任其久羈顯戮至賀林山即賀子誠為此案罪魁該

令慮其擊獲之日恃無實證狡供避就用意甚甚是惟查案內向有劉席珍一犯係羅少卿雇工雖未聽從為匪而久在羅少卿左右素與賀林山認識其一切詭秘行蹤較劉豫林更為熟悉儘可留以待質未便將罪無可道之劉豫林留待刻難弋獲之賀子且稽查案辦命盜重案從無以應死人犯待質稽誅本署司擬請將劉豫林一犯仍遵 憲台前次批示一併正法傳首犯事地方懸竿示眾以昭炯戒而快人心除電飭湘潭縣將劉席珍毋庸遞回原籍暫時羈禁該縣監內俟緝獲賀林山等備質後再行發落外本署司為嚴懲匪類緩靖地方起見是

譚復生觀察南學會第五次講義

記得第二次開會時曾與諸君講明地圓的道理諸君既知地圓便從此可破中外之見矣地既是圓的試問何處是中除非南北二極可以說中然南北極又非人所能到之地我國處地球北溫帶限內何故自命為中國而輕人為外國乎然而此亦不可厚非也中者據我所處之地而言我既處於此國即不得不以此國為中而外此國者即為外然則在美法英德日俄各國之人亦必以其國為中非其國即為外是中外亦通共之詞不得援此以驕人也而我國不惟好以中國驕人且又好以夷狄詆人春秋之所謂夷狄中國初非以地言故進於中國則中國之流於夷狄則夷狄之惟視教化文明之進退何如耳若以地言則我湘楚固春秋之夷狄而今何如也且我國之驕又不止此動輒詆西人無倫常此大不可夫無倫常矣安得有國使無倫常而猶能至今日之治平強盛則治國者又何必必要倫常乎惟其萬不能少是以西人最講究倫常且更精而更實即如民主君民共主豈非倫常中之大者乎又如西人招民兵有獨子留養之例又最重居喪之禮豈得謂其無父子乎西人自命為一夫一妻世界絕無置妾之事豈非夫婦一倫之至正者乎何得動詆西人無倫常即令倫常中之禮文小有不同要不過是末節耳不妨各安其風俗無所用其詆也無所用其驕也况倫常者人人當盡之分縱令做到極處亦不過是分內之事並算不得甚麼本事何得持此以驕人乎我國又好詆西教為邪教尤為不恕我詆他的耶穌他就可以詆我的孔子是替我孔子得罪人而樹敵招怨也且我既恨他傳教我為何不傳我的孔子教今即教之盛徧滿地球而我孔教則不過幾個真讀書人能傳之其餘農工商亦徒聞其名而已誰去傳孔教教他每一府廬州縣止有一座孔子廟而一年中祭祀又只有兩次又惟官與紳士方能與祭其餘皆不許進去孔子廟

徒為勢利場而已矣豈有一毫傳教之意哉是我孔教尚不能行於本國也奈何不自愧自責而反以奉行無實之孔教驕人哉鄙人今日所以反覆戒一驕字者因為學會上所重的是學人一驕便不能為學是以第一要去驕字不驕方能師人之長而自成其學有學而國乃可以不亡矣今向人說學問可以保國人往往以為迂腐而不敢信我今試舉一確鑿憑據與諸君說之此事中國翻譯書所不載我曾聞一德國人親向我言其事維何即普法交戰之事也師丹一役法國破君擒已萬無圖存之理矣使普國稍逞其兵力法國必滅而普終許其和者何也則普相畢士馬克之識偉矣當法國請和之際普之諸將皆以為必不許而畢士馬克有許和意諸將皆憤怒曰我等背鄉井棄妻子忘性命出萬死不顧一生之計國家費餉千萬計戰死士卒十數萬始有今日今日法國垂滅公復捨而與之和此何理也畢士馬克曰公等毋躁且細權其利害我且問公等試思我德國人之學問比法國人之學問何如則皆曰不如也且遠不如也畢士馬克曰由此即可知法國之不可滅矣大凡有學問之人必能制伏無學問之人而無學問之人自然不能受制此世界上之公理也即如鄉間農夫遇事必唯唯聽命於讀書人無他以有學問無學問之故也我德國既自知學問不如法國則不滅其國兩國猶有界限我德國猶可防守我雖不如猶無大害若徑滅其國則法德兩國渾而為一無復防守之界限以法國人之學問駕馭我德國人我德國人之權將盡為法國人所奪而我德國無噍類矣公等要滅法國不難速與之和趁早回國講究學問且待學問可以勝法國人矣然後與兵滅之未為晚也而法國遂賴以不亡此法國以學問保國之憑據也鄙人深願諸君都講究學問則我國亦必賴以不亡所謂學問者政治法律農礦工商醫兵聲光化電圖算皆

驗船規則

三品衙雙龍三等第一寶星江海關稅務司雷為出示曉諭事查去冬蘇州日新昌船局新安小輪船拖載搭客開赴杭州詎僅行至寶帶橋地方該船汽鍋忽然炸裂禍起倉猝致斃多命殊令惻然足見機器行輪非可玩視本稅務司有鑒於此特加整頓訂章查驗免蹈危機業經抄章致准監督復請照辦出示等因到關合亟出示曉諭為此示仰各該輪船華商人等一體知悉嗣後務各遵照後開試章八條小心辦理毋得仍前疏忽肇禍害人致于究辦其各遵勿違切切特示 計開 一凡華商各小火輪船或在本口行駛或由本口往來別處均須照章赴本關理船廳具稟掛號請領船牌收執為憑 二凡各小火輪船均須於請領船牌之先由本關特派之驗船師到船將該船身以及機器鍋爐等件逐一查驗實屬堅固堪以行駛者方准給牌 此稿未完

路透電音

中國已與滙豐德華兩銀行定議借款英金十六兆磅利息四釐半○中國內地水道定於西六月內開禁 西二月二十四日 中國新借之款係以尙未抵出之關稅及釐金若干作抵 西二月二十五日 吳縣李維格譯

三月初七日用各物時價表

物名	每	實	價值	比較
銀圓	兩	湘平	一千三百三十三文	
銀圓	圓		九百零六文	
銀票	千文		七錢五分	
銀票	每串十足		八錢零五厘	
上白米	石		三千文	
次白米	石		二千九百文	
中米	石		二千八百文	
河東谷	石		一千三百八十文	
河西谷	石		一千四百零八文	
灰	百包		三千六百文	
洋燭	包		二兩六錢	
淮鹽	包		五十六文	
茶油	百斤		七兩三錢	
菜油	百斤		七兩六錢	
桐油	百斤		一兩八錢八分	
牛油	百斤		六兩二錢五分	
栗木炭	百斤		一百二十文	
歡喜炭	百斤		一百一十文	
上棉花	百斤		六百八十文	
中棉花	百斤		十六兩四錢	
			十五兩八錢	

下棉花
頭印折表
二印折表
三印折表
吳庄紙
塊煤
烟煤
柴煤

百斤
石一百四十四方
同前
同前
石
石
石
石
衡斛

十五兩一錢
四兩三錢
四兩正
二兩七錢五分
三兩四錢
三百六十文
三百二十文
一百四十文

裕源綢緞布莊

開設青石橋自運紗羅綢緞大呢羽毛時新花色洋貨
布疋照碼抄發童叟無欺擇於三月初六日升牌

新西學通攷

紅牌樓青蓮紙局寄售

廣豐森綢緞洋貨布莊

開設長沙大西門擇於三月十七升牌

新九和綢緞莊

開設小西門內下坡子街

論實力上

南州熊崇煦撰

唐才常論熱力熊崇煦讀之作而言曰有心人哉雖然唐氏以熱力望支那人嗚呼然則刺刺然不憚聲嘶而舌疲也吾支那人上公卿下士庶貴賤智愚魯方且四萬萬有奇之人即四萬萬有奇之心非製造之可以機器捷九萬里之可以鐵路通也則欲其力之熱將何術以致其熱崇煦竊私計知物與物相摩熱必先有一物始足以引他物非憑虛可致也其在有實力乎其在四萬萬有奇之心其其實力乎今以地球之大黃白紅黑種之雜動物植物續續紛紛江湖百川淵淵浩浩恢張其地文厚累其地質遞嬗其地政歷億兆年循環其寒暑生死苟非有大於地球百四十倍之日以熱灌注之則亦美物爾海灣所隕之星班班剝剝孔竅披綠中含鐵質供人取玩而已豈復有草木生之禽獸居之神聖嗣之六十四原質愈推而用愈新使蠕蠕然總總然居此極樂之人世界哉且以五洲之廣政俗之畔男任女如趨吉避惡性腦悟腦筋血異質苟有堯舜倡其前孔孟繼其後耶蘇除其前路得保佈其後以熱嘯嘯之則亦爪牙角毒茹毛飲血知有母不知有父榛榛狉狉兄弟各一萬八千歲而已豈復有衣冠為族禮樂兆年始為捩亂世進為升平世再進為太平世優游乎文明容與乎覆載且將社斯民於萬國和平會哉日以熱注地教以熱注人熱不同而同歸於實使日無實則天地有時而長冥教無實則種類有時而混滅泰西知此義也事以實力行之吾支那知此義而忽昧此義也乃一以虛應之五十年來國窮民困幾疑熱力之絕而不知實力之不倡端木氏言博施濟眾孔子云己欲立立人已欲達達人施濟熱力也立達實力也吾欲立欲達頃刻而熱心四溢顧同吾方者其熱固息息相通也吾不必斤斤人之熱猶日不拘地球之熱教不強種類之熱日與教實熱其熱地球與種類乃不得不熱故熱力之大小視實力之淺深熱力之生滅視實力之真偽固非可憑虛致者也今天下壓力重矣抵力微矣一二憂時者曰吾當以肝膽示人也當以腹心公世也什百憂時者曰吾當以肝膽示人也當以腹心公世也千萬憂時者曰吾當以肝膽示人也當以腹心公世也於是聞其言者攘臂捷足雲集響應詎不足以洞強敵快天下獨惜乎肝膽腹心之說是也肝膽腹心之所以說則非也今試執塗人而語之曰吾以肝膽示汝以腹心公汝孰是信之深而遽奉之篤乎及人不我應有不爽然未能自信者乎蓋肝膽腹心麗事而見若曉曉者百大類鳥合及至臨事又顧其嬌妻弱妾良田美宅之不服前顧後却言行不相符者比比矣此實力之偽而熱力所以亡也或曰子言實力是仍示人以老楊其心而做履其世耳烏在所謂憂時烏在其為保種曰實力者有公天下之心有嚴一身之責不怨待吾